



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

Titulus XIII. De Exceptionibus.

[urn:nbn:de:hbz:466:1-62040](#)

T I T V L V S XIII.

D E

EXCEPTIONIBUS.

Exceptiones dilationum quandam præse ferunt speciem; ideo Titulum hunc immediatè Titulo de dilationibus subjungimus, ut unum ex alio clarius patefaciat.

Quæres primo. Quid est exceptio?

R. Est defensio competens reo aduersus id, quod ab auctore intenditur, sive ut dicitur §. 1. *institut. canon. de except.* est exclusio actionis, quâ reus actionem contra se intentatam vel retardat, vel penitus elidit.

Quæres secundo. Quotuplex est exceptio.

R. Alia est dilatoria & temporalis, alia peremptoria & perpetua. L. 2. § 3. ff. *de except.* Peremptoria in exceptionem Facti & Juris dividitur. Exceptio Facti est, quâ reus intentionem auctoris nullo jure agentis excludit; ut si auctor reum ratione debiti ex mutuo convenit, & reus se nunquam mutuum ab auctore recepisse excipit. Exceptio Juris est, quâ reus excludit actionem iure quidem auctori competentem, cuius tamen nomine reus iniquè condemnaretur, ut: auctor convenit reum ratione debiti ex contractu promissionis:

R.D.Schnorrenberg Instit. Jur. Can.

reus vi & metu extortam excipit promissionem.

Quæres tertio. Quæ exceptio dilatoria?

R. Exceptio dilatoria jus auctoris non omnino elidit & excludit, sed ad tempus solùm differt & suspendit. Hæc exceptio vel respicit personam Judicis, ut quod sit incompetens, vel suspectus; vel personam litigantis, ut quod actor pupillus, minor, excommunicatus, non habens personam standi in judicio: vel respicit personas in judicio accessorias, nt quod Procurator non habeat sufficiens mandatum: vel respicit locum & tempus judicii, ut quod ad judicij locum securus non pateat accessus, terminus sit nimis angustus, &c. Vel de omnibus ipsam respicit causam, ut diem solutionis nondum advenisse.

Quæres quarto. Quando dilatoria proponendæ sunt exceptiones?

R. Regulariter ante litis contestationem, & intra terminum à Judice præfixum sunt proponendæ, colligitur ex cap. *pastoralis.* 4. *de except.* cap. *inter monasterium 20.* *de sentent.* & *re judic.* Ratio est: quia hæc exceptiones litis impediunt

Sss

pediunt



pedunt ingressum ; qui igitur in principio has exceptions non opponit, tacite in judicium consentit. Tres casus in cap. cit. pastoralis. excipiuntur, in quibus post evolutum terminum & litem, jam contestatam exceptions dilatoria admittuntur. *1mo* Quando reus de iis ex post proponendis exprestè fuit protestatus. *2do* Quando exceptio competens ante litem contestatam ignorabatur, vel probari non poterat. *3tio* Quando exceptio ex facto aliquo post litem contestatam contingente orta fuit, quibus addenda sunt exceptions, quæ processum reddunt nullum : ut exceptio Judicis jurisdictione carentis, in quem partes consentire non possunt : exceptio falsi Procuratoris; excommunicationis, &c. *Clement. unic.* de except. Imò hoc singulare in exceptione excommunicationis, quod illa usque ad sententia executionem semper opponi possit, & si à reo non sit opposita, Judex ex officio excommunicatum repellendi habet autoritatem. *Cap. exceptionem. 12. h. t.* *cap. 1. eod. in 6.*

Quæres quinto. Quot sunt judicij dilationes?

R. Dilatio est justum temporis spatiū, quod ad actum quendam judicialem perficiendum actori vel reo conceditur, aut à lege, quæ legalis : aut ex partium conventione, quæ conventionalis: aut ex decreto Judicis, quæ judicialis appellatur. Sequentes habet species. *1ma* dilatio citatoria, quæ citatis & in jus vocatis datur, ut commode ad judicium venire valeant. *2da* delibatoria; quæ datur reo, ut viso actoris

libello deliberet, an liti cedere, aut confendere malit. *3ta* probatoria, quæ datur actori ad suam intentionem, & reo ad exceptionem probandam. *4ta* definitoria, data partibus ad audiendam sententiam. *5ta* executoria, condemnato ad solutionem faciendam concessa.

Quæres sexto. Quid si Judex non defert dilatoria exceptioni, dilationemque negat?

R. Quod si dilatio injustè denegetur, aut terminus nimis arctus præfigatur, processus vitiatur. Quantum autem tempus singulæ dilations continere debeant, de singulis à Jure Canonico non est determinatum, sed arbitrio prudentis relinquitur. Si data dilatione pars adveniente termino peremptorio consumaciter non compareat, mox ulterius proceditur prorogatione denegate: ut plenius dictum Tit. præcedente.

Quæres septimo. Quæ exceptions preemptoriæ?

R. Exceptions peremptoriæ sunt, quæ jus actoris omnino tollunt, & actionem perimunt, sūntque in triplici plerumque differentia: quædam actionem aliquando ortam, sed nunc extinctam esse demonstrant, quæ dicuntur exceptions litis finitæ, rei judicatae, paeti de non petendo, transactionis, jurisjurandi, solutionis, præscriptionis, &c. Aliæ ostendunt actionem actori competentem elidi & perimi posse per exceptionem Juris, quales sunt exceptions doli mali, metus, erroris, &c. Quædam actionem nunquam ortam esse vel nunquam competitivissime ostendunt, ut exceptions facti, quibus excipitur num-

nunquam contractum, legatum, donatum, &c. fuisse,

Quæres octavo. Quæ sunt exceptiones præjudiciales?

R. Aliquando quædam in judicio incident, quæ definienda sunt, antequam in causa principali pronuntietur; & horum propositio præjudicialis appellatur exceptio, v. g. Mulier judicio petitorio agit ad vindicationem mariti, qui divorcium fecit; ille autem excipit consanguinitatis intercedere impedimentum. Quinam verò in horum cognitione servandus sit ordo, statim dicimus in Titulo de ordine cognitionum.

Quæres nono. Quando exceptiones peremptoriae proponendæ?

R. Exceptiones peremptorias regulariter tam ante quam post litem contestatam opponere licet.

Quæres decimo. Qualiter reus exceptionem probare tenetur?

R. Quod si reus in exceptionis probatione deficiat, nihilominus actori intentio sua probanda incumbit. Quia qui exceptionem objicit, non idèo adversarii intentionem fateri videtur, ut

expresè dicit Regula Juris 63. de reg. Jur. in 6. Exceptionem obiciens non videtur de intentione adversarii considerari. Et cap. cum Venerabilis, 6. h. t.

Quæres undecimo. An reo plures exceptiones facere permisum?

R. Reo licet actori plures opponere exceptiones, vel simul, vel successivè; imò etiam & contrarias, modò alternativè proponat. Ut: actori agenti ex mutuo reus opponit, se non accepisse pecuniam, vel si acceperit, se jam solvisse: ubi exceptio non numeratæ pecuniæ contrariatur exceptioni factæ solutionis; alternativè tamen rectè ponitur.

Quæres duodecimo. Quid actor facit contra exceptionem?

R. Exceptioni actor opponit replicationem, quâ rursus reuin contra se excipientem repellit. Replicationi responderet reus per duplcam:duplicæ actor opponit triplicam; triplicationi actoris respondet reus per quadruplicam. In hac re tamen modum statuere ad Judicis pertinet officium, ne lis cum gravi partium damno in infinitum protrahatur.

T I T V L V S XIV.

D E

F E R I I S.

Feriae sunt dies, in quibus à negotiis forensibus, seu actibus judicialibns cessatur; olim dictæ justitium,

quod Jus sive Judicium tunc staret, ut dicitur solstitium, quando sol altius vel profundius non progreditur. Feriae
Sff 2 aliae